

GrønlandsBANKEN-imi Piukkussaqaqarnermut Ataatsimiititaliap sulinissaanut tunngavissiaq

1. Aallaqqaasiut

- 1.1. Tunngavissiaq/piginnaatisissut manna siulersuisut ukiumoortumik ataatsimiinneranni misissorneqartarpoq, nutarterneqartarpoq akuerineqartarlunilu. Allanguutissatut siunnersuutit siulersuisunut ilaasortat arlaannulluunniit tunniunneqarsinnaapput, ilaallutik piukkussaqaqarnermut ataatsimiititaliamut ilaasortat.

2. Inissitsiterineq aamma siunertat

- 2.1. Aningaserivimmik ingerlatsinermut inatsit § 80 a naapertorlugu aammalu siulersuisut suleriaasiat malillugu Piukkussaqaqarnermut Ataatsimiititaliornissaq pillugu siulersuisut aalajangiisarput. Piukkussaqaqarnermut ataatsimiititaliamut ilaasortaapput siulersuisunut siulittaasoq siulersuisunullu ilaasortaqaq ataaseq marlulluunniit. Siulersuisuni siulittaasoq ataatsimiititaliami siulittaasutut issiassaaq.
- 2.2. Siulersuisut qullersanut siulersuisunullu piukkunnartunik toqqaanissaannut atatillugu ataatsimiititaliaq ikiuutissalluni sulisussaavoq. Ataatsimiititaliap akisussaaffia pingaarneq tassaavoq siulersuisut qullersallu akisussaaffiisa piginnaasatigut ilisarnaatissaat/pigisassaata aalajangiissallugit.

3. Ataatsimiinnerit akuttussusii ataatsimiigiaqqusisarnerillu

- 3.1. Piukkussaqaqarnermut ataatsimiititaliaq siulittaasup pisariaqartutut isumaqarfigigaangagu ataatsimiittassaaq minnerpaamilli ukiumut ataasiartumik
- 3.2. Piukkussaqaqarnermut ataatsimiititaliap siulittaasuata oqaluuserisassat ilanngullugit ataatsimiititaliaq ataatsimiigiaqqusassavaa ataatsimiinnissaq sioqqulluarlugu.

4. Ataatsimiinnerit aaqqissuunneri ataatsimiinnerillu

- 4.1. Piukkussaqaqarnermut ataatsimiititaliap ilaasortai ataatsimiinnermi peqataasarput. Siulittaasup ataatsimiinnerit aquttarpari. Imaqarniliamik suliarinnittoqartarpoq kisiannili ataatsimiititaliap ataatsimiinnissa siulersuisut ataatsimiinnissaat sioqqutitsiarlugu pippat oqaasiinnartigut ataatsimiinnermi imarisaasut inassutigiumaneqarsinnaasullu saqqummiunneqarsinnaapput.
- 4.2. Ataatsimiititaliaq pisinnaatitsissutip sinaakkutissaasa iluani pissutsit misissussallugit pisinnaatitaavoq, GrønlandsBANKEN-imilu siulersuisunit qullersaniillu paasissutissat ikiorneqarnissallu pisariaqartitat pissarsiarisinnaatitaaffigalugit
- 4.3. Siulersuisunik ukiumoortumik nalilersuisarnerit ataatsimiititaliamut tunniunneqartartussaapput ataatsimiititaliallu suliaasa ilaattut isigineqarlutik.

5. Aalajangiinissamut akisussaaffiit aamma piginnaatitaaneq

- 5.1. Piukkussaqaqarnermut ataatsimiititaliaq siulersuisunut akisussaavoq aalajangiinissamullu siunnersuutit taakkununga aalajangiiffigisassanngorlugit innersuussisinnaalluni.
- 5.2. Inaasuteqaqarnermut ataatsimiititaliaq aaliangiinnaassuseqarpoq ataatsimiinnermi ilaasortaasut tamarmiusut peqataatillugit. Aaliangiinnerit pisassapput nalinginnaasumik amerlanerussuteqaqarneq tunngavigalugu. Taasinermi amerlaqatigiittoqatillugu siulittaasup taasinera aaliangiisuusassaaq.

6. Inassuteqarnissamut ataatsimiititaliap suliassai

Aningaaserinermik ingerlatsisunut inatsit naapertorlugu ataatsimiititaliap makku isumannaarlugit suliassarivai:

- 6.1. Siulersuisunut tamarmiusunut ilaasortanullu ataasiakkaanut piginnaaffigisassatut piumasaqaatinik aaliangersaanissaq. Siulersuisuni ilaasortassanik qinersinissanut qinigassanik inassuteqartarnissaq kingusinnerpaamik 1. februar siulersuisunut nalunaarutigineqartussanik. Siulersuisunut qinigassanngortitassanik inassuteqarnermut atatillugu ataatsimiititaliap allattorlugit saqqummiutissavai piginnaasat suut inissinnissamut aaliangersimasumut piumasarineqarnersut nalunaarutigalugulu siulersuisuni sulinissamut piffissaq qanoq annertutigisoq atorneqartussatut naatsorsuutigineqarnersoq. Taaneqartut saniasigut ataatsimiititaliap allanit attuumassuteqartunit avataaneersunit siunnersuutigineqartut nalilersuiffigissavai.
- 6.2. Takussutissiaralugu saqqummiullugu siulersuisuni suaassutsikkut ikinnerussuteqarlutik ilaasortaasut akornanni qanoq oqimaaqatigiissaarinissaq siunnerfiusoq anguniarneqassasoq, tamatuma kingorna siulersuisunut inassutigineqartussamik.
- 6.3. Siulersuisut tunuliaqtimikkut siammasissusissaannik aaliangersaallutik, angujumallugu ilinniarsimasatigut piginnaasatigullu naammattumik assigiinngisitaarnissaq, siulersuisut iluanni siammasissuseqarnissaq kingorna siulersuisunut inassutigineqartussanik.
- 6.4. Ingerlaavartumik minnerpaamillu ukiumut ataasiartumik nalilersuiffigissallugit siulersuisut pisortallu amerlassusii, ilusaat/katiterneqarnerat, akuleriiaagaanerat suliassallu eqqarsaatigalugit suliassanut sanilliullugit angusaat, pisariaqartikkunikkullu siulersuisunut allannguutaasinnaasunik inassuteqarlutik nalunaaruteqarlutillu.
- 6.5. Ingerlaavartumik minnerpaamillu ukiumut ataasiarlutik nalilersuiffigissallugit siulersuisut tamarmiusut pisortallu ilisimasaat, suliaminut atatillugu tunuliaqutaat, siammasissumik ilisimasaqarnerat misilittagaqarnerallu naammattumik siammasissuseqarnersut aammalu ilaasortani ataasiakkaat kivissinnaaneraat piumasaqaatini § 64 aamma § 64 a-mi aningaaserinermik ingerlatsisunut piumasaqaataasut aammalu siulersuisunut tamarmiusunut nalunaarusiorlugillu inassuteqarfigalugit allaannguutaasinnaasut. Ataatsimiititaliap nalilersuutai siulersuisunut saqqummiunneqartassapput.
- 6.6. Ingerlaavartumik isumannaarlugu/qulakkeerlugu siulersuisut aaliangiisarnerisa inummit ataatsimit eqimmattanilluunniit aqunneqarpallaannginnissaat suliffeqarfiup soqutigisaanik tamakkiisumik isigalugu aseruisinnaasumik.

Suliffeqarfimmik pitsaasumik ingerlatsinissamut inassutaasut napertorlugit inassuteqarnernut atatillugu ataatsimiititaliap ataani allassimasut malillugit piareersaateqassaaq:
- 6.7. Inissisimavimmut aaliangersimasumut atatillugu siulersuisunut pisortanullu piginnaasaqarfigisassatut piumasaqaataasut suuneri nassuiassallugit aammalu nalunaarutigalugu suliamik isumaginninnissamut atatillugu qanoq piffissaq annertutigisoq atorneqassasoq naatsorsuutiginerlugu. Taakku saniasigut ataatsimiititaliap nalilersuiffigissavai piginnaaneqarfiit, ilisimasat misilittakkallu suut siulersuisunit pisortanillu pigineqarnersut.
- 6.8. Ukiumoortumik nalilersuiffigisassallugit siulersuisut pisortaasullu aqqissuussaanerat/katitigaanerat, amerlassusiat, akuleriiaarnerisa angusaasalu qanoq ittuunerat aammalu allannguutissanik siunnersuutissaqarunik siulersuisunut inassuteqassallutik.
- 6.9. Ukiumoortumik naliliiffigisassallugit siulersuisuni ilaasortat ataasiakkaat piginnaaneqarfii, ilisimasaat misilittaagaallu kiisalu tamatuminnga siulersuisut ilisimatitsissuteqarfigisassallugit.
- 6.10. Nalilersuiffigissallugit inunnit attumassuteqartunit siunnersuutit, taakku ataanni piginneqataasunit pisortaasunillu, siulersuisunut qinigassatut sassartitassatut pisortassatullu siunnersuutigineqartut.

- 6.11. Siulersuisut siunnersuuteqarfigissallugit siulersuisut siunissami akuleriiaarnissaannut sulinissamut pilersaarutissat taakkulu ataanni aamma siunnersuusiorlugit allannguutissatut siunnersuutigiumaneqarsinnaasut.
- 6.12. Minnerpaamik ukiumut ataasiartumik siulersuisut piumaffigisassallugit pisortamik iluatsilluartumik ingerlanissaq angujumallugu pilersaarutit pillugit oqaloqateqartarnissaannik.

Kiisalu ataatsimiititaliap Aningaaserivinnik Nakkutilliisooqatigiit aqutsinermut tunngavissiai malillugit ilassutinikimaattunik ilanngusaqarpoq:

Kiisalu ataatsimiititaliap Finansråd-imit aqutsinermut tunngavissiaq naapertorlugu imaattut ilannguppai:

- 6.13 Isumannaassallugu aningaaseriviup siulersuisunut inassuteqarnermut atatillugu atussagaa ingerlatseriaaseq ilusilersugaalluartoq nassuiarlugaasorlu pisariaqartinneqarpat avataanit immikkut ilisimasalinnik peqatilerluni ilusilersorneqartunik.

7. Siulersuisunut nalunaarusiortarnej il.il.

- 7.1. Piukkussaqaqarnermut ataatsimiititaliami ataatsimiinnerup kingorna siulersuisuni ataatsimiinnermi tullermi piukkussaqaqarnermut ataatsimiititaliami oqallisigineqarsimasut pillugit siulersuisut ilisimatinneqartassapput ataatsimiititaliamilu inassutigineqarsinnaasut aalajangiiffigisassanngorlugit taakkununga saqqummiuttassallugit.
- 7.2. Ataatsimiititaliap ukiumi qaangiuttumi sammisimasai GrønlandsBANKEN-ip ukiumoortumik nalunaarusiaani naatsumik nassuiaateqarfigalugit ilanngunneqartassapput. Tamakku saniatigut piginneqatigiiffinni aqutsinermut inassutigisat pitsaasut malillugit paasissutissat piumasarineqartut tamanut saqqummiunneqartassapput.

8. Iluaqtissat

- 8.1. Piukkussaqaqarnermut ataatsimiititaliap periarfissaraa iluaqtissat tamaasa, ataatsimiititaliap pisariaqartutut naliligai ilanngutitissallugit atussallugillu, matuma ataani avataanit siunnersorneqarneq.

9. Avammut saqqummiussineq

- 9.1. Aningaaseriviup nittartagaatigut avammut takussutissiarineqarlutik saqqummiunneqartassapput Inaassuteqarnermut ataatsimiititaliap sulinissaanut attuumassuteqartut makkuusut:
- * Sulinissamut tunngavissiaq
 - * Ukiup ingerlanerani ataatsimiititaliap ingerlanerani pingaarnersiukkatut saqqummiussat, ataatsimiinnerit qassiuneri kiisalu ataatsimiititaliami ilaasortaasut aqqi
 - * Siulersuisunut ilasortat kikkut ataatsimiititaliap pineqartup ataatsimiinnerani peqataasarsimasut
 - * Siulersuisuni ilaasortat pginnaasaqassutsikkut siammasissusissaannut politikki.

Kiisalu paasissutigineqassapput, aningaaseriviup inassuteqarnissamut ataatsimiititaliamik pilersitsinermi piunasaqaatit qanoq malissimanerai qanorlu siulersuisuni siammasissuseqarnissamik piunasaarisat aaliangiunneqarsimaneri.

10. *Nalilersuineq aammalu sulinissamut tunngavissiamik allannguinerit*

- 10.1. Inasuteqarnissamut ataatsimiititaliap minnerpaamik ukiumut ataasiarlutik sulinissamut tunngavissiaq nalilersuiffigisassavaat isumannaarumallugu tamatuma inatsisinut naapertuuttumik ilusiligaanera, Suliffeqarfiit pitsaasumik ingerlannissaannut inassutaasut maillinnerai il.il.
- 10.2. Ataatsimiititaliap sulinissaanut tunngavissiat allannguutissatulluunniit siunnersuutaasinnaasut siulersuisunut akuerisassanngortillugit saqqummiunneqartassavai.
- 10.3. Sulinissamut tunngavissiaq qaqugukkulluunniit siulersuisuni nalinginnaasumik amerlanerussuteqarneq tunngavigalugu allanngortinneqarsinnaavoq.
- 10.4. Ukiumut ataasiarlutik ataatsimiititaliami issiasut sulinermi pitsaassusia pillugu nalilersuisassapput ukiup tulliani suliassat ilusilernissaat tunngavissalerumallugu.

Siulersuisut 2. november 2022 ataatsimiinneranni saqqummiunneqartut akuerineqarput.